

AUGLÝSING

um starfsreglur kirkjupings um kosningu biskups Íslands og vígslubiskupa.

„STARFSREGLUR

um kosningu biskups Íslands og vígslubiskupa.

1. gr.

Kjörgengur til embættis biskups Íslands og vígslubiskups er hver guðfræðikandidat, sem fullnægir skilyrðum til þess að vera skipaður prestur í þjóðkirkjunni.

2. gr.

Kosningarrétt við biskupskjör eiga

- biskup Íslands, vígslubiskupar, sóknarprestar, prestar, héraðsprestar og sérþjónustuprestar, sbr. 33. gr. laga um stöðu, stjórn og starfshætti þjóðkirkjunnar nr. 78/1997
- kennarar guðfræðideildar sem eru í föstum embættum eða störfum (prófessorar, dósentar eða lektorar) enda séu þeir guðfræðikandidatar
- prestvígðir menn í föstu starfi innan þjóðkirkjunnar
- leikmenn á kirkjupingi
- leikmenn, sem sitja í kirkjuráði
- leikmaður í héraðsnefnd hvers prófastsdæmis, eða varamaður hans, sitji aðalmaður á kirkjupingi. Auk aðalmanna, hafa kosningarrétt varamenn leikmanna í héraðsnefndum Reykjavíkurprófastsdæmis vestra, Reykjavíkurprófastsdæmis eystra og Kjalarnessprófastsdæmis.

3. gr.

Kosningarrétt við vígslubiskupskjör eiga

- biskup Íslands og vígslubiskupar í báðum vígslubiskupsumdæmum, svo og sóknarprestar, prestar og héraðsprestar í vígslubiskupsumdæminu og sérþjónustuprestar, sem hafa starfsstöð í vígslubiskupsumdæminu, sbr. 33. gr. laga um stöðu, stjórn og starfshætti þjóðkirkjunnar nr. 78/1997
- kennarar guðfræðideildar sem eru í föstum embættum eða störfum (prófessorar, dósentar eða lektorar) enda séu þeir guðfræðikandidatar
- prestvígðir menn í föstu starfi innan þjóðkirkjunnar í vígslubiskupsumdæminu
- leikmenn úr vígslubiskupsumdæmi á kirkjupingi
- leikmenn, sem sitja í kirkjuráði
- leikmaður í héraðsnefnd hvers prófastsdæmis í vígslubiskupsumdæmi, eða varamaður hans, sitji aðalmaður á kirkjupingi. Auk aðalmanna hafa kosningarrétt varamenn leikmanna í héraðsnefndum Reykjavíkurprófastsdæmis vestra, Reykjavíkurprófastsdæmis eystra og Kjalarnessprófastsdæmis, ef því er að skipta.

4. gr.

Kjörstjórn við kirkjupingskjör, sbr. starfsreglur um kirkjuping, er jafnframt kjörstjórn við kjör samkvæmt starfsreglum þessum.

5. gr.

Kjörstjórn ákveður hvenær kosning skal fara fram og semur kjörskrá er miðist við 1. dag tiltekins mánaðar. Miða skal kosningarrétt og kjörgengi við embætti og störf þann dag. Kjörskrá skal liggja frammi á biskupsstofu og hjá próföstum landsins í tvær vikur hið skemmsta frá auglýsingu, sbr. 3. mgr.

Heimilt er kjörstjórn að láta kjörskrá liggja frammi á fleiri stöðum svo og að birta hana á svæði þjóðkirkjunnar á Netinu.

Kjörstjórn auglýsir framlagningu kjörskrár og kærufrest svo og heimild til tilnefningar kjörgengs manns og frest til að skila tilnefningu, sbr. 6. gr., í Lögbirtingablaði og tvisvar í Ríkisútvarpinu að lágmarki. Kærufrestur skal að jafnaði vera tvær vikur frá birtingu auglýsingar í Lögbirtingablaði.

Á kjörskrá skal taka þá sem eru kosningarbærir, sbr. 2. og 3. gr. eftir því sem við á, við lok kærufrests.

Kæur skulu hafa borist kjörstjórn með sannanlegum hætti fyrir kl. 16.00 á síðasta degi kærufrests, eða hafa verið póstagðar í síðasta lagi þann dag. Kæruheimild er bundin við þá sem eru í þjóðkirkjunni á því tímamarki sem tiltekið er í 1. ml. 1. mgr. Kjörstjórn úrskurðar kæur eigi síðar en sjö dögum frá lokum kærufrests. Birta skal kæranda úrskurðinn án tafar í bréfi eða símskeyti.

Heimilt er að skjóta úrskurði kjörstjórnar til yfirkjörstjórnar, sbr. 12. gr., innan sjö daga frá því að kæranda er birtur úrskurðurinn. Slíkar kæur skulu hafa borist kjörstjórn eða yfirkjörstjórn með sannanlegum hætti fyrir kl. 16.00 á síðasta degi kærufrests, eða hafa verið póstagðar í síðasta lagi þann dag. Kjörstjórn gengur endanlega frá kjörskrá þegar kærufrestir eru liðnir og úrlausn kjörstjórnar eða yfirkjörstjórnar um kæur liggur fyrir og skal hin endanlega kjörskrá miðast við lok kærufrests.

6. gr.

Heimilt er þeim sem hafa kosningarrétt, sbr. 2. og 3. gr., að tilnefna kjörgengan mann sem biskupsefni eða vígslubiskupsefni. Til að tilnefning sé gild þurfa 10 af hundraði kosningabærra manna að lágmarki að standa að henni. Óheimilt er þó fleirum en 25 af hundraði kosningabærra manna að standa að tilnefningu hlutaðeigandi biskups- eða vígslubiskupsefnis. Enginn má tilnefna nema einn mann. Tilnefningar ásamt skriflegu samþykki hlutaðeigandi skal afhenda kjörstjórn eigi síðar en fjórum vikum eftir að auglýstur kæurfrestur, sbr. 5. gr., rennur út.

Tilnefningar skulu hafa borist kjörstjórn með sannanlegum hætti fyrir kl. 16.00 á síðasta degi skilafrests, eða hafa verið póstagðar í síðasta lagi þann dag.

Kjörstjórn fer yfir framkomnar tilnefningar ef einhverjar eru og úrskurðar um gildi þeirra, þ.e. að sá lágmarks- og hámarksfjöldi manna sem áskilið er, standi að tilnefningu, að þeir hafi kosningarrétt samkvæmt endanlegri gerð kjörskrár, að hinn tilnefndi sé kjörgengur og hafi samþykkt tilnefninguna, svo og önnur atriði sem geta haft áhrif. Telji kjörstjórn að hafna beri tilnefningu skal hún birta hinum tilnefnda þá niðurstöðu án tafar í bréfi eða símskeyti. Kæra má niðurstöðu kjörstjórnar til yfirkjörstjórnar innan viku frá því að hún var kunngerð. Kæra skal hafa borist kjörstjórn eða yfirkjörstjórn með sannanlegum hætti fyrir kl. 16.00 á síðasta degi kærufrests, eða hafa verið póstlögð í síðasta lagi þann dag. Kæruheimild er bundin við þá sem tilnefndu og hinn tilnefnda. Yfirkjörstjórn úrskurðar innan viku um kærana.

7. gr.

Að lokinni endanlegri gerð kjörskrár og að fenginni endanlegri úrlausn um tilnefningar, sendir kjörstjórn þeim er kosningarrétt eiga, svo fljótt sem verða má, nauðsynleg kjörgögn:

- a) kjörskrá
- b) auðan kjörseðil með nöfnum þeirra sem tilnefndir hafa verið með gildum hætti auk auðrar línu sem kjósandi getur ritað nafn annars kjörgengs manns en tilnefnds á
- c) óaritað umslag

- d) eyðublað fyrir yfirlýsingu kjósanda um það að hann hafi kosið
- e) umslag með utanáskrift kjörstjórnar
- f) leiðbeiningu um það hvernig kosning fari fram.

Greina skal glögglega fyrir hvaða tíma kjörseðill skal sannanlega póstlagður. Ákveður kjörstjórn þann tíma. Að jafnaði skal miða við að kosningu sé lokið innan tveggja vikna frá útsendingu kjörgagna.

8. gr.

Kosning skal vera skrifleg og leynileg.

Kjósandi ritar nafn þess sem hann vil kjósa á kjörseðil. Eigi skal hann undirrita kjörseðil eða auðkenna hann með öðrum hætti. Hann setur seðilinn síðan í óaritaða umslagið, sbr. 2. ml. 1. mgr. 5. gr. og lokar því, fyllir út eyðublaðið og undirritar, leggur gögnin í áritaða umslagið og sendir kjörstjórn það í ábyrgðarpósti.

9. gr.

Kjörstjórn telur atkvæði eigi síðar en að viku liðinni frá þeim skilafresti á pósthús sem hún setur, sbr. 3. ml. 5. gr. og úrskurðar þau.

10. gr.

Réttkjörinn biskup eða vígslubiskup er sá, sem fær meirihluta greiddra atkvæða. Ef enginn fær þann atkvæðafjölda skal kosið að nýju milli þeirra tveggja sem flest fengu atkvæði. Ef tveir fá jafnmörg atkvæði skal kosið milli þeirra. Ef fleiri en tveir fá jafnmörg atkvæði skal hlutkesti ráða milli hverra tveggja kosið er. Sá er réttkjörinn sem fær þá flest atkvæði. Verði atkvæði jöfn skal veita embættið öðrum hvorum þeirra.

11. gr.

Ef endurtaka þarf kosningu, skv. 10. gr., gilda sömu reglur um þá kosningu, sbr. 7., 8., 9., 12. og 13. gr. starfsreglna þessara. Þó skal kjörseðill, sbr. b-lið 7. gr., einungis greina nöfn þeirra tveggja sem kosið er um.

12. gr.

Heimilt er að kæra kosningar samkvæmt starfsreglum þessum, sbr. og 5 og 6. gr. Yfirkjörstjórn þjóðkirkjunnar, sbr. starfsreglur um kirkjuþing, fer með endanlegt úrskurðarvald í ágreiningsmálum vegna kosninga samkvæmt starfsreglum þessum. Fer um kærumál og meðferð þeirra eftir gildandi starfsreglum um yfirkjörstjórn á hverjum tíma eins og við getur átt, nema starfsreglur þessar mæli á annan veg.

Rétt til að kæra kosningu samkvæmt starfsreglum þessum eiga þeir einir sem hafa kosningarrétt. Kæur vegna kosningar skulu hafa borist kjörstjórn eigi síðar en sjö dögum eftir að atkvæði eru talin, sbr. 7. gr. Slíkar kæur skulu hafa borist kjörstjórn með sannanlegum hætti fyrir kl. 16.00 á síðasta degi kærufrests, eða hafa verið póstlagðar í síðasta lagi þann dag. Leggur hún þær fyrir yfirkjörstjórn þjóðkirkjunnar til úrskurðar ásamt athugasemdum sínum. Yfirkjörstjórn úrskurðar innan viku um kærana.

13. gr.

Pegar endanleg niðurstaða kosningar liggur fyrir tilkynnir kjörstjórn kirkjumálaráðherra úrslit kosningarinnar.

14. gr.

Starfsreglur þessar, sem settar eru samkvæmt heimild í 7., 8. og 17. gr., sbr. 59. gr. laga um stöðu, stjórn og starfshætti þjóðkirkjunnar nr. 78/1997, öðlast gildi 1. janúar 2001. Starfsreglur þessar skulu sæta endurskoðun á kirkjuþingi árið 2001.

Gjört í Reykjavík, 8. nóvember 2000.

Jón Helgason
forseti kirkjuþings.

Gunnar Sveinsson
þingskrifari.“

Starfsreglur þessar eru hér með kunngerðar almenningi.

Reykjavík, 8. nóvember 2000.

F. h. kirkjuráðs,

Karl Sigurbjörnsson biskup Íslands.

AUGLÝSING

um starfsreglur kirkjuþings um biskupafund.

„STARFSREGLUR
um biskupafund.

1. gr.

Biskup Íslands boðar vígslubiskupa til biskupafundar, sbr. 19. gr. laga um stöðu, stjórn og starfshætti þjóðkirkjunnar nr. 78/1997, ársfjórðungslega og oftár ef þurfa þykir.

2. gr.

Biskupafundur er haldinn til upplýsinga og samráðs um biskupsþjónustuna og málefni kirkjunnar.

Biskupafundur skal skipuleggja vísitasíur biskupa og gera áætlun um þær.

3. gr.

Biskupafundur fjallar um málefni sem lög og starfsreglur kveða á um varðandi trú og kenningu kirkjunnar, helgisiði og helgihald.

4. gr.

Biskupafundur undirbýr mál er varða breytingar á skipan sókna, prestakalla og prófasts-dæma í hendur kirkjuþings. Biskupafundur gerir tillögur um þau efni á grundvelli gildandi laga og starfsreglna og stefnumörkunar kirkjuþings ef árleg endurskoðun skipulags þykir gefa tilefni til. Þá undirbýr biskupafundur auk þess tillögur um þessi efni sem kunna að berast frá héraðsfundum í hendur kirkjuþings og fjallar jafnframt um aðrar tillögur sem kunna að berast.